



Broj predmeta: UP-I-37-000031/23
Broj akta: 07-1246ZB-001/23
Datum: 13. 2. 2023.. godine
Mjesto: Brčko

Na osnovu člana 22. Zakona o Vladi Brčko distrikta BiH („Službeni glasnik Brčko distrikta BiH“ broj: 22/18 – prečišćeni tekst, 49/18, 8/19, 10/19 i 32/19), člana 187. Zakona o upravnom postupku Brčko distrikta BiH („Službeni glasnik Brčko distrikta BiH“ 48/11 - prečišćeni tekst, 21/18 i 23/19), člana 2. stav (7) Zakona o visokom obrazovanju u Brčko distriktu BiH („Službeni glasnik Brčko distrikta BiH“ broj: 30/09, 29/18, 16/20 i 44/22), a u skladu s članom 4. stav (2) Pravilnika o sadržaju, postupku upisa i načinu vođenja registra visokoškolskih ustanova na području Brčko distrikta BiH („Službeni glasnik Brčko distrikta BiH“ broj: 29/21), Odjeljenje za obrazovanje Vlade Brčko distrikta BiH d o n o s i

RJEŠENJE

1. Upisuje se Univerzitet „Privredna akademija“ Brčko distrikta Bosne i Hercegovine, adresa: Brčko distrikt BiH, Petra Kočića broj 6. u Registar visokoškolskih ustanova na području Brčko distrikta Bosne i Hercegovine, pod rednim brojem 9.
2. Za izvršenje rješenja iz tačke 1. dispozitiva ovog rješenja zadužuje se Odjeljenje za obrazovanje Vlade Brčko distrikta Bosne i Hercegovine, Pododjeljenje za visoko obrazovanje i nauku.

OBRAZLOŽENJE

U skladu s članom 4. stav (3) Pravilnika o sadržaju, postupku upisa i načinu vođenja registra visokoškolskih ustanova na području Brčko distrikta BiH („Službeni glasnik Brčko distrikta BiH“ broj: 29/21) šef Odjeljenja za obrazovanje imenovao je Komisiju koja ispituje uslove za upis Univerziteta „Privredna akademija“ Brčko distrikta Bosne i Hercegovine u Registar visokoškolskih ustanova Odlukom broj predmeta: 05-000123/23, broj akta: 07-1246ZB-001/23 od 8.2.2023. godine. Komisija je izvršila uvid u Rješenje o izdavanju licence za rad visokoškolskoj ustanovi Univerzitetu „Privredna akademija“ Brčko distrikta BiH broj predmeta: UP-I-37-000232/21, broj akta: 07-1246ZB-025/23 od 7.2.2023. godine, kao i zakonske i podzakonske akte koji reguliraju navedenu materiju i sačinila Izvještaj broj predmeta: 05-000123/23, broj akta: 07-1334AM-001/23 od 9.2.2023. godine, te isti dostavila šefu Odjeljenja u roku propisanim Pravilnikom o sadržaju, postupku upisa i načinu vođenja registra visokoškolskih ustanova na području Brčko distrikta BiH.

Uvidom u navedeno Rješenje, zakonske i podzakonske akte, utvrđeno je da je Odjeljenje za obrazovanje izdalo Rješenje o izdavanju licence za rad visokoškolskoj ustanovi Univerzitetu „Privredna akademija“ Brčko distrikta BiH broj predmeta: UP-I-37-000232/21, broj akta: 07-1246ZB-

025/23 od 7.2.2023. godine na osnovu zakona i drugih propisa kao i Izvještaja Komisije za licenciranje od 31.1.2023. godine.

U skladu s članom 29. stav (7) Zakona o visokom obrazovanju u Brčko distriktu BiH propisano je da nakon dobijanja licence iz stava 6 ovog člana Odjeljenje vrši upis visokoškolske ustanove u Registar visokoškolskih ustanova. Komisija je u Izvještaju broj predmeta: 05-000123/23, broj akta: 07-1334AM-001/23 od 9.2.2023. godine konstatovala da su ispunjeni svi zakonski uslovi za upis visokoškolske ustanove Univerzitet „Privredna akademija“ Brčko distrikta Bosne i Hercegovine u Registar visokoškolskih ustanova na području Brčko distrikta BiH i dala prijedlog šefu Odjeljenja da se izvrši upis Univerziteta „Privredna akademija“ Brčko distrikta Bosne i Hercegovine u Registar visokoškolskih ustanova na području Brčko distrikta BiH, a na osnovu donošenja Rješenja o upisu navedene visokoškolske ustanove u Registar.

Članom 4. stavom (1) Pravilnika o sadržaju, postupku upisa i načinu vođenja registra visokoškolskih ustanova na području Brčko distrikta BiH („Službeni glasnik Brčko distrikta BiH“ broj: 29/21) propisano je da Odjeljenje za obrazovanje po službenoj dužnosti vrši upis visokoškolske ustanove u Registar nakon izdavanja licence iz člana 29. Zakona o visokom obrazovanju u Brčko distriktu BiH.

U skladu sa svim gore navedenim, riješeno je kao u dispozitivu ovog Rješenja.

Pouka o pravnom lijeku:

Protiv ovog rješenja može se izjaviti žalba Apelacionoj komisiji Brčko distrikta BiH u roku od 15 dana od dana dostavljanja, a podnosi se putem Odjeljenja za obrazovanje.

DOSTAVITI:

1. Univerzitetu “Privredna akademija”
Brčko distrikta BiH,
2. Šefu Odjeljenja za obrazovanje,
3. Evidenciji (2x),
4. Arhivi.



Šef Odjeljenja za obrazovanje
Zoran Bulatović, dipl. oec.